



編印緣起

我國之邊疆包含國防、界務、邊地之開發，以及語文宗教習俗各異之蒙藏維哈及其他各種宗族間之問題，其關係國家之安危極爲重要。清初百餘年間，對邊地採取封禁政策，遂使邊腹阻隔，情誼鮮通。道咸以降，西力東漸，我以疎弱最甚之一環，當列強侵略最激之要衝，國土日蹙，邊事日棘，胥由於此。

本社有鑒於邊疆問題研究之重要，復以戰亂播遷，文獻散佚，因有發刊邊疆叢書之計劃，特約請廣祿、李學智、歐陽無畏、李毓澍諸先生，並商定由李毓澍先生任主編。分就蒙古、西藏、新疆及東北各省區，挑選有重要典籍，分輯陸續刊印，並擔任各書之簡介批評。其有手稿、珍本、孤本或鈔本，更多方由海內外設法蒐集，擇尤景印，以廣流傳。

今第一輯十六種，業已印齊，承蒙海內外讀者雅愛，惠予預訂，本社至深綢繆。惟羅家倫郭寄嶠兩先生以公務繁忙，原惠允賜撰序文，稍有延緩，本社以讀者預約在先，未敢再事延期，僅先裝釘若干，分別郵寄。總序印就後另函寄奉，尙乞諒察。

影印「甘肅通志」前言

沈雲龍

甘肅省位於長城西端，東接關中，西控邊徼，踞黃河上游，合甘州（今張掖）、肅州（今酒泉）之地，故名。又以居臨隴山之右，亦稱隴右，簡稱隴或秦。

就其沿革而論，原爲禹貢雍州之域。春秋（公元前七三三至四八一）、戰國（公元前四〇三至二二一）屬秦及西戎。秦（公元前二四八至二〇七）併六國，始置隴西、北地二郡。漢（公元前二〇六至公元八年），增置天水、安定、武都、武威、酒泉、張掖、敦煌、金城八郡，屬涼州。後漢（公元三五至二一九）因之，復增置雍州。曹魏（二三〇至二六四）爲涼、秦二州。晉（公元二六五至四一九）沿襲不改。迨五胡十六國（三〇四至四三九）之亂，西秦（乞伏國仁）五涼（張重華、呂光、禿髮烏孤、沮渠蒙遜、李嵩）諸國前後割據靖遠、武威、西寧、張掖、敦煌各地。北魏（三八六至五三四）仍爲涼、秦二州，嗣又增置涇、豳、南秦、河、原、靈、瓜、鄯、渭諸州。西魏（五三五至五五六）、後周（五五七至五八一）之間，設州郡益多。隋（五八一至六一八）統一後，改州爲郡。唐初置隴右道（一部屬關內、山南二道），後設朔方、河西、隴右節度使。德宗貞元（七八五至八〇四）以後，河西、隴右之地，屬於吐蕃。五代（九〇七至九五九）時，分屬梁、岐、蜀、吐蕃。北宋（九六〇至一一二六）爲陝西、秦鳳諸路，朔方、河西西北部，都入西夏。南宋高宗紹興

(一一三一至一一六一)中，陝西之地，又屬於金。元太祖二十二年(一二二七)，滅西夏；太宗六年(一二三四)滅金；前後置西夏、甘州諸行省、復分屬陝西、甘肅兩行省。明初，隸陝西布政使司。太祖洪武二十五年(二三九二)，設陝西行都指揮使司於甘州，領轄諸衛所。清聖祖康熙二年(一六六四)，移陝西布政使駐鞏昌。五年(一六六七)，改爲甘肅布政使，治蘭州。迄世宗雍正末(公元一七三五)，共領府八、直隸州三、又州八、縣四十五、衛所八。高宗乾隆二十四年(一七五九)，以新疆回部平，劃烏魯木齊(今迪化)以東地，改設州縣，隸於甘肅。德宗光緒八年(一八八二)，新疆改建行省，始復其舊。至清末止，共轄府八：蘭州、鞏昌、平涼、慶陽、寧夏、西寧、涼州、甘州；直隸州七：秦州、階州、涇州、固原、化平、肅州、安西；又州五、廳七、縣五十四。民國初建，廢府廳州爲縣，分爲蘭山、西寧、涇原、渭川、寧夏、甘涼、安肅七道，計七十七縣。十七年(一九二八)，國民政府成立，廢道存縣，並劃舊寧夏道八縣歸寧夏省，舊西寧道七縣歸青海省。故疆域較前爲小，據三十七年(一九四八)中華年鑑，全省面積三九一、五〇六方公里，計轄省轄市一，縣六十九，設治局二。

甘肅初無省志，向總於陝西通志。清世宗雍正六年(一七二八)，始分爲二省，各修通志。時川陝總督查郎阿(納喇氏，滿洲鑲白旗人)、及署川陝總督兼甘肅巡撫劉於義(字喻旂，江蘇武進人，康熙癸未進士)，奉敕纂修甘肅通志，由甘肅巡撫許容(字季偉，河南虞

城人，康熙辛卯進士）專司纂輯，越時七載，於高宗乾隆元年（一七三六）刊刻成書，其範圍實包括今之甘、寧、青三省，計分類三十六：圖考、星野、建置、疆域、山川、城池、公署、關梁、祠祀、貢賦、學校、兵防、水利、驛遞、蠲卹、鹽法、茶馬、物產、風俗、古蹟、祥異、陵墓、封爵、職官、名宦、選舉、人物、忠節、孝義、隱逸、流寓、仙釋、方伎、列女、藝文、雜記；都五十卷。本社即據此刊本影印，距原書付梓已逾二百三十年矣！

當許氏纂輯甘肅通志之初，以邊徼鄙陋，書籍可資參證者甚少，矧康熙十四年（一六七五）以前，兩遭兵燹，檔冊焚失無存，其舊所新改設之州縣，向無邑志，諸事無從稽考。經多方搜羅，彙輯成書，可見其創始之不易。其後越一百七十四年，始有宣統元年（一九〇九）升允（字吉甫，蒙古鑲黃旗人）、長庚（字少白，滿洲正黃旗人）先後任陝甘總督，延請安維峻（字曉峯，甘肅秦安人，光緒庚辰翰林）纂修甘肅新通志，計一百卷。民國二十年（一九三一），甘肅省主席劉郁芬（蘭江）曾予重修，成甘肅通志稿若干卷，似未刊行，原稿尚存大陸甘肅省立圖書館。

民國五十五年六月二十日於臺北。

甘肅通志進呈表

太子少保文華殿大學士兼兵部尚書仍管川陝

總督邱務

臣

查郎阿吏部尚書署川陝總督兼甘

肅巡撫

臣

劉於義等前於雍正六年奉

勅纂修甘肅通志係前任巡撫

臣

許容專司纂輯

臣

等向

在肅州時許容已經付梓今剞劂告竣共成書五

十卷謹奉

表上

進者

臣

查郎阿劉於義等誠惶誠恐稽首頓首

上言伏以秦皇御錄卽傳邱索之書軒后膺圖乃
疏乞之紀文命敷於四海而川山土物爰道其詳
周官董正萬邦而風俗人民職司其要齊秦晉楚
備於魯史之編雍豫徐揚載在職方所掌元和上
計之簿著自唐家太平御覽之篇成於宋代蓋博
考四方之廣記乃彙成一統之全書但網羅放佚
自古爲難而釐定闕疑於茲匪易方輿紀載未免
亥豕魯魚郡邑圖經猶多米鹽凌雜向非博識鴻

才曷副

盛朝鉅典欽惟

皇帝陛下

德協清寧

道隆覆載

繼志述事昌明典謨訓誥之傳

厚澤深仁普被南朔東西之廣惟茲甘肅遠處西偏

邠邑邠鄉舊是公劉之國流沙弱水昔傳禹貢之

區金城爲隴右襟喉連延湟鄯玉門爲關西鎖鑰

控扼羌番由朔方以至敦煌長城屹峙於北自岷

山以至積石大河橫貫其中祁連青海天設險以
爲屏疏勒伊吾地資生而作輔自漢武開疆分置
涼州刺史暨唐宗闢土兼統河右諸軍禮樂文明
之藪未逮中州制防形勢之規獨當三面顧自宋
明以來經營措置未盡合宜惟我

國家之盛創建宏模斯爲盡善以至廣開屯田而邊
儲有賴屢行

蠲賑而百姓蒙

恩科舉額數頻加則士林鼓舞學校師儒增設則文教

振興衛所改爲郡縣同諸內地編氓關外設鎮安
西收復前朝故宇軍需殷繁而寬裕發

帑民間無絲粟之勞邊烽寧息而輓運全停婦子有
含哺之樂至於回夷慕化襁負來歸策妄輸誠款
關入貢凡此

巍巍炳炳盡賴

聖德神功所當灑灑洋洋勒諸玉函金版者也

臣等識愧

看詳學慚校勘敷藻揚輝未與編摩之役因陋就
簡難辭疎畧之譏惟緣雕鏤之旣成謹以裝潢而

恭

進伏願

景卿常耀

雲漢時章

緯地經天不止甲乙丙丁之部

聲金振玉永垂商周虞夏之文則書軌偕同六合被

誕敷之教享王重譯萬年昭樂利之風矣謹按通

志圖考一卷星野一卷建置一卷疆域一卷山川

二卷城池一卷公署一卷學校一卷關梁二卷祠

祀一卷貢賦一卷兵防一卷水利一卷驛遞一卷
蠲卹一卷鹽法一卷茶馬一卷物產一卷風俗一
卷古蹟二卷祥異一卷陵墓一卷封爵一卷職官
三卷名宦三卷選舉一卷人物三卷忠節一卷孝
義一卷隱逸一卷流寓一卷仙釋方伎一卷列女
二卷藝文六卷雜記一卷刊刻告成

臣等曷任瞻

天仰

聖激切屏營之至謹奉

表箋

進以

聞

乾隆元年九月初六日

李少保文華殿大學士仍管川陝總督邱務

臣

查郎阿

吏部尚書署川陝總督兼甘肅巡撫

臣

劉於義

謹上表

甘肅通志卷之首

凡例

一甘肅舊無志書向總於陝西通志顧陝志詳於西
安延安鳳翔漢中興安諸郡而畧於平鞏臨慶至
河西諸衛所則尤在所畧今分爲二省各修通志
自應詳爲編輯但邊徼之地旣少書籍又從前兩
遭兵燹康熙十四年以前案牘焚失無存其衛所
新改設之州縣則向無邑志諸事無從稽考甘志
之難實倍難於他省今蒐羅考訂分爲三十六類

列爲五十卷

一省志與府州縣志體裁各別州縣志書理宜詳備
省志務從簡核總其大綱裁其瑣細

一建置沿革各州縣志書率皆訛舛今以

皇輿表爲主與舊一統 相參酌仍分各府州列表於
前以備查考

一各府州縣疆域四至里數臨鞏平慶四府雖有舊
志可稽河西衛所原屬簡畧近改衛所爲州縣卽
河東舊所亦多改歸州縣者其疆域里數俱照州

縣新造之冊與舊志頗有不同

一田賦雖有舊額但河西衛所近改郡邑卽衛所之
在河東者亦多裁併所有田賦分歸州縣者其田
畝賦額悉以雍正十年爲準

一志內田賦兵防職官各項總扣至雍正十年以前
入志

一兵制莫重於西北而甘肅爲尤重兩提六鎮各協
星羅碁布鞏固萬年今詳查列冊而以歷代兵制
附紀於後

一職官先列前代而後

本朝先文職而後武職其文職自督撫下至直隸州武職自將軍提鎮至遊擊俱列名志內餘俱照例止列官制而不及姓名內有因案牘無存無憑查考者姑從闕畧不敢傳疑

一名宦必政績素著歷久論定者始從身後作傳或平常稱職及事實不確者槩不敢入

一人物理學經濟忠節儒林循吏武功若分標名目恐涉繁瑣但於合紀之中務核生平實行若名不